

**CXXVI.**

*Copie authentique d'une lettre du Prince d'Orange aux  
États de Flandre. — Même sujet. (Arch. Y.)*

Messieurs, Le Sieur d'Argenlieu colonel m'a donne a cognois-<sup>1579</sup>  
tre que jusques a ores vous n'auriez fait descompte avecq luy <sup>28 Mars.</sup>  
a cause des services qu'il vous auroit faicts durant le temps quil  
auroit este en flandres avecq son regiment, Et d'aultant que,  
selon il ma remonstre, il est en grande necessite, vous ay bien  
voulu prier par ce mot, de ne faire difficulte a luy faire des-  
pecher led' descompte et ce depuis le temps quil a continue en  
votre service jusques au premier de ce mois de mars, quil est  
entre au service de Messieurs les estatz gnaulx. Et quant est de  
son traictement de colonel le luy passer pour luy et ses officiers  
sur 1355<sup>l.</sup> Arthois par mois, quest sur la mesme condition que  
jay traictie avecq luy. Et ne servant ceste a aultre fin prieray  
dieu vous donner

Messieurs avecq parfaite sante heureuse vie. d'Anvers le  
xxviii<sup>me</sup> de Mars 1579.

Vre bien bon amy a vous faire service

GUILL DE NASSAU.

A Messieurs

les Quatre membres de Flandres.

---